



Lög Knattspyrnufélagsins Víðis

1. gr.

Félagið heitir Knattspyrnufélagið Víðir.
Aðsetur þess og varnarþing er í Garði.

2. gr.

Tilgangur félagsins er að efla og iðka íþróttir og aðra félagsstarfsemi, eftir því sem áhugi félagsmanna og ástæður félagsins leyfa hverju sinni.

3. gr.

Merki félagsins er brúnn knöttur á hvítum grunni með bláu V(vaffi) og tveim víðihríslum í brúnum lit. Nafn félagsins er ritað fyrir ofan. Jaðar merkisins er blár.

4. gr.

Félagið er aðili að Í.S.Í., Íþróttabandalagi Suðurnesja svo og landssamböndum og sérráðum í þeim íþróttagreinum sem félagið iðkar og er háð lögum þeirra.

5. gr.

Aðalbúningur félagsins er blá og hvít peysa, bláar buxur og bláir sokkar.
Varabúningur félagsins er rauð og hvít peysa, rauðar buxur og rauðir sokkar.
Óski deild eftir breytingum varðandi útlit búninga, skal það borið undir aðalstjórn til samþykktar.

6. gr.

Meðlimir félagsins eru:

- a) Heiðursfélagar skv. 15. gr.
- b) Skráðir félagar hjá stjórn félagsins.

7. gr.

Félagar geta þeir orðið sem æskja þess og hljóta samþykki meirihluta stjórnar félagsins.

8. gr.

Árgjöld félagsins skulu ákveðin árlega af aðalfundi.

9. gr.

Aðalstjórn félagsins skipa 7 menn og tveir til vara sem kosnir eru á aðalfundi félagsins.

1. Formaður,
2. Ritari,
3. Gjaldkeri,
4. Varaformaður,
5. Meðstjórnendur
6. Tveir varamenn

Stjórn skal kosin til eins árs í senn.

10. gr.

Stjórn félagsins ber að efla félagið á allan hátt og gæta hagsmuna þess í hvívetna. Hún hefur umráðarétt yfir öllum eignum þess og ræður starfsemi þess í aðalatriðum. Stjórn félagsins skal skipa alla trúnaðarmenn þess aðra en þá sem kosnir eru á aðalfundi. Kaup, sala og veðsetningar eigna félagsins er bundin samþykktum aðalfundar. Stjórn félagsins ráðstafar styrkjum frá sveitarfélaginu og öðrum opinberum aðilum og hefur að auki tekjur af lottói, getraunum og félagsgjöldum.

11. gr.

Aðalfundur félagsins skal haldinn í febrúar ár hvert. Til aðalfundar skal boða með viku fyrirvara. Allir lögmætir félagsmenn hafa rétt til fundarsetu, málfrelsis og tillöguréttar á aðalfundi. Atkvæðisrétt á aðalfundi hafa heiðursfélagar og skuldlausir félagar eldri en 16 ára og eru þeir jafnframt kjörgengnir í trúnaðarstöður. Gjaldkeri skal þó vera fjárráða. Aðalfundur telst lögmætur ef minnst 15 félagsmenn eru mættir og löglega til hans boðað. Tillögur um breytingar á lögum félagsins skal senda aðalstjórn eigi síðar en 15. janúar. Heimilt er þó að taka fyrir á aðalfundi tillögur til breytinga á lögum félagsins, sem síðar koma fram ef 2/3 hlutar atkvæðisbærra fundarmanna eru því samþykkir.

12. gr.

Dagskrá aðalfundar félagsins, en þar skal fráfarandi formaður gegna störfum fundarstjóra eða skipa sérstakan fundarstjóra og fráfarandi ritari störfum fundarritara, skal vera sem hér segir:

1. Formaður gefur skýrslu um starfsemi og framkvæmdir á liðnu starfsári.
2. Gjaldkeri gefur skýrslu um fjárhag félagsins og leggur fram endurskoðaða reikninga til samþykkis, en endurskoðaðir og samþykktir reikningar deilda skulu liggja frammi til kynningar.
3. Lagabreytingar, ef fyrir hendi eru.
4. Stjórnarkjör,
 - kosinn formaður
 - kosinn varaformaður
 - kosinn gjaldkeri

- kosinn ritari
- kosinn meðstjórnendur
- kosnir tveir varamenn

5) Kosnir tveir endurskoðendur og einn til vara.

6) Kosið í stjórn Minningarsjóðs Ingimundar Guðmundssonar í samræmi við Skipulagsskrá, sem skal fylgja lögum þessum.

7) Kosið í nefndir og ráð félagsins.

8) Önnur mál.

Allar kosningar í trúnaðarstöður skulu vera leynilegar sé þess óskað og fara fram fyrir luktum dyrum. Aðalfundur félagsins hefur æðsta vald í öllum málum þess.

13. gr.

Reikningsár félagsins og deilda þess skal vera almanaksárið. Allir reikningar félagsins skulu vera komnir til endurskoðenda félagsins eigi síðar en sex dögum fyrir aðalfund.

14. gr.

Kosningu heiðursfélaga skal hagað þannig, að stjórn félagsins ber fram tillögu um það hvern/hverja heiðra skuli. Kosning er gild sé hún samþykkt af 2/3 hlut atkvæðisbærra fundarmanna. Ekki mega heiðursfélagar vera fleiri en tíu að tölu hverju sinni og ekki má kjósa mann heiðursfélaga sem er yngri en 45 ára. Heiður þessi er sá æðsti sem félagið veitir. Með lögum þessu skal fylgja reglugerð um aðrar viðurkenningar í nafni félagsins.

15. gr.

Heiðursfélagar njóta allra réttinda félagsins, en eru undanþegnir félagsgjöldum.

16. gr.

Stjórnarfundir skal halda þegar þörf þykir. Formaður boðar til stjórnarfundar. Tveir stjórnarmeðlimir geta krafist stjórnarfundar. Ákvæði þetta gildir líka um stjórnir deilda, ráða og nefnda félagsins.

17. gr.

Lögum þessum má ekki breyta nema á aðalfundi.

18. gr.

Einfaldur meirihluti ræður úrslitum mála, nema öðruvísi sé ákveðið í lögum þessum.

19. gr.

Með lögum þessum eru öll eldri lagafyrirmæli úr gildi numin.

20. gr.

Lög þessum var breytt á aðalfundi 20. febrúar 2012 og tóku þá gildi.